



Kamis, 19 September 2024
Ogen: Sakaria 9:9-10



Raja Dame



Pengarapen jadi sada hal si erbahan kita semangat guna ndalani kegeluhen. Kalak silanai lit pengarapenna lanai bo ngasup ngidah wari si pepagi alu mehuli. Lanai iakapna lit kesempaten dingin kerina pintun enggo tertutup, emaka ndele ate ras kelsehen sikerajangenna gedang-gedang wari. Kalak sitek arus tetap nggeluh ibas pengarapen emka semangat ia tetap ndalani wari kegeuhen amin jumpa ia perbeben ras kendelen. La nggit ia teriket ibas situasi sibage rupa.

Bageme kalak Israel si enggo kelsehen erkiteken ukumen siidalanina. Amin bage gia lit rusur reh man bana kata simpetetap ukurna, kata pergegeh, kata pengapul. Paksa enda Sakaria nuriken kerna kerehen sekalak raja dame. Lanai ipediatna gereta perang ras kudana lit janah kerina panah si ipake kalak berkat erperang pe ibenekenna. Kerina kiniseran isalihkenNa Enda erkiteken raja si reh ndahi ia, mimpin ras mabai ia nggeluh ibas kedamen. Anak kuta Sion arus ersurak ngalo-ngalo raja e.

Konteks kegeluhen bangsa enda megati jadi gambaren kegeluhen kalak sierkiniten ibas jamanta genduari enda. Dosa si turah erkiteken kerincuhen daging, nimbak Dibata ras ngelakoken sila ngena ateNa. Tapi Dibata tetap ngerancang simehuli nandangi bangsana. Tetap iaturkenna gelah geluhta mejuah-juah, enda me pengarapen si arus tetap si asuhi ras pebelin ibas kegeluhenta. Pusuhta arus tetap ersurak ngarapken penampat situhu-tuhu raja dame merentah pusuhta. Sabab isasapkenna gereja perang desken perbeben simberat ras panah si erbahan pusuhta gulut ras terluka. Lanai ipediatNa kerina sinakiti pusuh anak-anakna. Reh ia maba kedamen ibas bentuk kesehaten, ketenengen, kemalemen ate amin pe situasi la bagi ukurta.